

Enformaziuns y Comunicaziuns

AODANZES: Döt le bun, sanité y benedisciun a
Franz Pitscheider *02.04.1927 - Tile Clara *03.04.1926
y a düc chi co à santennom y complësc i agn cöst'edema.

Granares dal orì: Le Zënter Families Mareo y la Ploania d'Al Plan enviëia dotes les mitans y düc i mituns a fà les granares dal orì. An s'abina le vëndres ai 11.04.2014 dales 15:00 tal salf dles manifestaziuns. I mituns mëss gnì acompagnès y ai è periès da se tó empara na forfesc y la maza. Por enformaziuns: Veneranda 338/9229824. Düc è spo enviès da gnì en Domëgna dal Orì con les granares a les lascé benedi y tó pert ala prozesciun y gran mëssa.

Ćianté de Carsëma: En domënia ai 6 d'auri ales 17:00 èl te dlijia de Badia en Ćianté de Carsëma con Staziuns y meditaziun, organisé dal Ert por i Ladins adöm ai cors de dlijia da San Ćiascian, Longiarü y San Martin, al Cor Ėres Al Plan y al orghelist de Badia.

Referat/1: La Uniun dles Ėres enviëia a en referat con Annamaria Fiung Comploi, sot al titul "Ester cristiana aldédancö". Le referat vën tignì en lönesc ai 7 d'auri ales 20:00, te salf de calogna.

Referat/2: Le KVV y le Consëi de Formaziun da San Martin mët da jì en referat con le dotur Robert Craffonara, dal titul "Vire te na manira sana", en dédemesaledema ai 2 d'auri ales 8 da sèra, te salf dai stödafüs da San Martin.

Curs: Al vën organisé cursc de pilates con Karin Taibon. Ai mët man en lönesc ai 3 d'auri y va ennant vigne lönesc y jöbia ales 9:00. Al gnarà inçe tignì en curs da sèra, vigne jöbia ales 19:30. I cursc è te salf dla Raiffeisen. Infos y iscriziuns pa Karin al 329/2223634.

TIM & LAURA www.WAGHUBINGER.de



Impressum: Ploania d'Al Plan, str. Catarina Lanz nr. 46, 39030 Al Plan de Mareo.
Comunicaziuns - ċina al dédemesaledema sèra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.comun.mareo.bz.it o inçe www.valbadiaonline.it



Ploania
d'Al Plan
de Mareo

La plata de
Ploania

VAL BADIA

E-Mail: ploaniaalplan@gmail.com - Radio de Ploania: 93,00 MhZ
Telefôn y fax de calogna 0474/501006

4. Domëgna de Carsëma, Laetare, ai 30.03.14 - nr. 18

Canche l'ël ea gnü zoruch, odël endô!

Dal Vangelo dô San Jan, 9, 1 - 41

¹Jenn por tru, â Gejù odü en ël co ea verc dala nasciüda ensö. ²Enlò l'à sü discepuì damané: Rabbi, che à pa fat picé? Ël enstës? O à sü geniturs fat picé, ch'al è nasciü verc? ³Gejù à respognü: No sü geniturs, no ël n'à fat picé, mo l'opera de Dio dess gnì manifestada pa ël. ⁴Do ch'al à albü dit cösc, àl spödë ia por tera; spo àl fat con la spöda na pasta, ti l'à sferiada al verc söi edli ⁷y ti à dit: Va y làete tal lé de Sciloa; Sciloa ô di: L'Anunziadü. L'ël è jü y s'à laé. Y canch'al ea endô gnü, odël. **Parora dal Signur. - Lalt a té, Gejù Crist!**



Viede desco fis dla löm! La löm porta blot bunté, iustizia y lereté.

Chiride ċi co ti plej al Signur, y no se lascéde ete tles operes dla scürité, co ne porta degün früt, y descoridales.

Döt ċi co è descori vën lominé dla löm. Döt ċi co è lominé, è löm. (Fora dla 2. Letöra dal dé)

AI VÈIGA, MO AI È VERC, Y NE LE SA NIA

Chi co se vèiga mà se enstësc;
Chi co arata che mà sòa minunga ài valüta;
Chi co ne reconësc nia sü fai y söes deblëzes;
Chi co ne tin nia cunt dai atri;
Chi co chir dagnora la colpa pai atri
y la ciafa inçe pai atri.



S.Mësses y Funziuns dai 30 de merz ai 06 de auri 2014

Domëgna: 30.03: IV. Domëgna de Carsëma: Laetare Oferta Kassian – Tschinderer Werk



9.30: Corona por +nt Lois Castlunger
10.00: S.M. por dōta la Ploania
14.00: Funziun dal Bato por Alicia Angelica Weiss
18.00: S.M. por +nt Erlacher Fighile, Torpei
S.M. por +nt Obojes Fighile, Craizer
S.M. por +nt Egon Federa, Tlomper
S.M. por +nc' D'Amico Carlo y Monti Pia

Lön. 31.03: Feria dla 4. edema de Carsëma: Sa.Cornelia, S.Beniamin

7.30: S.M. por +nc' Burchia ludita y nc' dla Fam. de Brüscia
S.M. por +nc' Tone y Franz Obwegs, Garsun
S.M. por +nt Guido Rindler de Pal

Dédol. 01.04: Feria dla 4. edema de Carsëma: Sa.Irene, Sa.Agape, S.Caesarius

18.00: Via Crucis . Les Staziuns

Dédem.02.04 Feria dla 4. edema de Carsëma: S.Franz de Paola, S.Eustasius

18.00: S.M. por +nc' de Corcela y de Candido
S.M. por +nt Ties Epo, Ciastel
S.M. por +nt Gianni Zucchelli

Jöbia 03.04.: Feria dla 4. edema de Carsëma: S.Richard, S.Thiento

18.00: Via Crucis – Les Staziuns

Vëndr.04.04.: Feria dla 4. edema de Carsëma: 1 Vëndres dal mens

7.10: S.M. por i scolari

S.M. por +nc' dla Fam. Palfrader, Anna, Nena
S.M. por +nc' Canzio y Rita Comploi de Mano
S.M. por les Püres Animes

18.00: Via Crucis – Les Staziuns

Sab. 05.04.: Sancta Maria in Sabato – Carsëma – 1. sabeda dal mens

17.00: Poscibilitè da se pissié

18.00: S.M. de reng. y en onú de S.Ojöp da Oies
por Fam. Kosta Erwin y Jolanda – aniversar de matrimonio
3. Requiem por +nt Lois Castlunger dal Surt
S.M. por +nc' Isidor y Clara Oberbacher
S.M. aniv. por +nta Anna Ploner, Campeï
S.M. por +nt Dalla Santa Raimondo

Domëgna 06.04: V. Domëgna de Carsëma: “A” – S.Jan 11.1-

Oferta por i bojügns dla Ploania

9.30: Funziun dla Domëgna: Carsëma

10.00: Por dōta la Ploania

18.00: S.M. por +nc' Rudi y Regina Ellecosta
S.M. por +nt Frontull Jepele, maester
S.M. por +nt Hans Palfrader, Fordi



*Der Glaube bringt genug
Licht für diejenigen,
die glauben wollen,
und genug Schatten,
um diejenigen
mit Blindheit
zu schlagen,
die es nicht
wollen.*
Blaise Pascal



H. Loreck

TE NÜSC EDLI PORTA LÖM

Te nüscedli porta löm
Ch'i poduns'dagnora odèi
Y amirè con gran playèi
Çi che t'as por nos cherié.

Porta löm inçe te nosc cör
Ch'i sunse bogn con töa bunté
De capi y de daidè
Chi co adora en pü' d'amur.

Töa löm co vën dal cí
Adorunse vigne dé
Por podèi çiafé le tru
Co è gonot tla scüritè.
(Laldun le Signur)



Gejù à dit: „Chi co crèi te mè, vir inçe sce ai mör!“

La comunité tol comié da **Lois Castlunger**, mort al'etè de
88 agn. Ai familiars ti va les condolianzes plü sontides.

Che Lois pòi palsé tla pèsc de Dio!



La comunité d'Al Plan ti aoda
döt le bun, sanité y benedisciun ai geniturs
Patrick Weiss y Jessica Call
por la nasciüda de picia **Alicia Angelica**.

Sorvisc dai Ministróné

Lönesc 31/03 (07.30h), Dédemesalèdema 02/04 (18.00h), Vëndres 04/04 (07.10h): Anna y Jan Trebo; **Staziuns 01/04, 03/04, 04/04 (h. 18.00):** Maria Huber, Luianta Clara; **Sabeda 05/04 (18.00h):** Lara Ploner, Max, Stefan y Florian Palfrader, Marco Vavrek, Manuel Ties; **Domëgna 06/04 (10.00h):** Miller Francesco Suani, Caroline, Daniel y Herbert Piazza, Mark Kastlunger, Alex Rubatscher; **Domëgna 04/04 (18.00h):** Costanza Brera, Samuel Castlunger, Luianta y Max Clara, Kevin Sorà, Matthias Willeit

